

摘藻堂四庫全書薈要

經部

欽定四庫全書薈要卷三千三百四

經部

爾雅翼卷二十四

宋羅願撰

釋蟲一

蠶

蠋

蠨

蜀

蝥  
蟻

尺蠖

蛄  
蜥

蟬

蚰  
蜒

蚓

蠶

蠶倉庚鳴則生故詩曰倉庚喈喈采芣苢祁祁芣苢白蒿也  
所以生蠶夏小正曰三月妾子始蠶蠶之狀喙咄咄類

馬色班班似虎初拂謂之蚝以毛掃之蠶尚小不欲見  
露氣桑葉著懷中令煖然後切之得人氣則衆惡除也

古者三宮夫人桑于公桑風戾以食之謂及早涼脆采  
之風戾之使露氣燥乃以飼蠶蠶生惡濕故也比至再  
眠常須三箔虛上下二箔以隔土氣障塵埃也飼必卷  
窓褰幃飼訖還下蓋蠶昆蟲之類昆者明也蠶見明則  
食食多則生長其旋生駒皆與母同老食而不飲三十  
六日而化

淮南曰二十  
二日而化

嵇康養生論曰火蠶十八日寒

蠶三十餘日仲長子昌言亦曰寒而餓之則引日多溫而飽之則用日少此寒溫飢飽之為脩短驗之於物者也荀卿賦曰三俯三起事乃大已俯謂之眠亦有四眠者既老將績其口含絲春秋文耀鉤曰商弦絕蠶含絲言弦將絕蠶含絲以待用也淮南子曰蠶珥絲而商弦絕謂新絲出故絲脆五音之中商弦最急故先絕亦蠶午火也商金音也火壯金囚應之而絕珥絲或為餌絲或曰上下絲於口故曰珥絲其獨成繭者謂之獨繭自

二以上謂之同功繭獨繭絲細而有緒簷何以之為綸  
引盈車之魚也顏氏家訓曰胡人見錦不信有蟲食木  
吐絲所成養蠶之室欲明而溫漢法犯腐刑者下未央  
蠶室取其溫爾古者后妃享先蠶而後躬桑先蠶天馬  
也漢舊儀曰今蠶神曰苑窳婦人寓氏公主凡二神  
廬

廬再蠶也原即再之義或曰蠶不交而生者往往為原  
蠶原蠶一名魏蠶莫知其說按方言魏細也自關而西

秦晉之間凡細而有容謂之魏又古者魏地狹隘其君  
民有儉嗇趨利之譏以葛屨而至於履霜以女手而至  
於縫裳豈原蠶亦魏之俗耶今人又謂之二蠶音之轉  
爾周禮養馬禁原蠶者說者以為天文辰為馬而蠶書  
蠶為龍精月直大火浴其種是蠶與馬同氣物莫能兩  
大禁原蠶者為傷馬也今農家下種以原蠶矢雜禾種  
之以辟蝗否則驚馬骨汁和蠶矢溲之又蠶殭者塗馬  
齒則馬不食草以桑葉拭去乃還食此則蠶為馬類明

矣淮南曰蝻蠶一歲再收非不利也然而王法禁之者  
為其殘桑也離先稻熟而農夫耨之不以小利傷大獲  
也至於後世國稅再熟之稻鄉貢八蠶之綿吳人且以  
為美談吳錄曰南陽郡一歲蠶八績林邑記曰九真郡  
蠶年八熟繭小輕薄絲弱綿細荆楚歲時記曰八蠶繭  
出日南至秋猶飼以柘荆楚則早晚二蠶則五月而已  
永嘉郡記曰永嘉有八輩蠶蛭珍蠶三月績柘蠶四月  
初績蛭蠶四月績愛珍五月績愛蠶六月末績寒珍七

月末績四出蠶九月初績寒蠶十月績其說云凡蠶再  
養者前輩皆謂之珍少養之而虬蠶與愛珍二色候虬  
珍三月既績出蛾取卵七八月便割蠶生多養之是為  
虬蠶若取藏甕中亦可十紙百紙蓋覆器口安冷水使  
冷氣析其出勢僅得三七日然後劄生養之為愛珍然  
則蓋一類耳隋書曰江湖之南一年蠶四五熟唐天寶  
中益州獻三熟蠶繭緊厚白淨與常蠶不殊大歷中太  
原府清源人唐景暉養冬蠶成繭詔給復終身而海物



異名記乃云八蠶綿者八蠶共作一大繭非也

蠅

蠅桑繭野蠶不養於人就桑食葉作繭者比家蠶小而行疾其作繭長半寸以來亦擘而長其一面平多則歲宜蠶野人嘗以卜蠶之熟否楚俗於上春以麴裹肉或糖蒸之亦平其一面謂之繭子食之蓋取象此古者稱野蠶成繭以為瑞若蠅者歲未嘗無但成繭者言其成熟如家繭漢自王莽以來田疇蕪廢杼柚其空至光武

之初野穀旅生野蠶成繭人獲其利蓋地力久曠而有  
餘故穀易生樹力久蘇而有餘故繭易成唐武德中梁  
州亦言野蠶成繭百姓採而用之亦其類耳又古今注  
元帝永元四年東萊郡東牟山有野蠶為繭收得萬餘  
石民人以為絲絮此最有數者野繭又有雒由樗繭棘  
繭繭虻蕭繭皆桑繭之類各以所食葉為名廣志云有  
柞蠶食柞葉可以作錦今桑繭所包裹甚薄不堪用古  
人稱以野繭之絲為琴絃者自當各有所在也今人亦

呼此為桑蠶郭氏乃云即今蠶非也

蜀

蜀葵中蠶也从虫上目象蜀頭形中象其身蛸蛸葵者  
菜之甘者也古人有言蓼蟲不知徙乎葵菜今蜀食葵  
之甘故其體肥大亦食於藿廣志曰藿蠋有五色者槐  
香蠋五采有角甚臭庚桑子曰奔蜂不能化藿蠋言大  
小不同量也蠋雖蠶類而不食桑詩乃稱烝在桑野者  
葵藿之下亦桑野之地也蠶致養於人萬百為族蜀則

獨行故以比敦然獨宿者箋云蠋蛸蛸然特行久處桑  
野有似勞苦者又蜀亦或作鳥名師曠禽經曰蜀不獨  
宿不知何物也蜀不獨宿故以歎獨宿者於文獨字从  
蜀則蜀當獨處爾韓子曰鰕似蛇而蠶似蠋人見蛇則  
驚駭見蠋則毛起漁者持鰕婦人拾蠶利之所在皆為  
賁育淮南曰蠶之與蠋狀相類而愛憎異蠋一名蛸狀  
雖可畏然古人以金作此而綴之車上以為飾故曰偉  
革金厄

蝤螬

爾雅蝤螬螬土中蟲又云蝤螬蝸謂在木中者二物  
大抵相似以所處為異大者如足大指而蝤螬在腐柳  
中者內外潔白故詩人以比碩人之頌其所謂蝸非螬  
尾之蝸也至於螬螬食李之半於陵子嘗匍匐而食之  
三咽然後耳有聞目有見仲子之廉不忍受人一食而  
甘舖螬螬之餘腐以此而發皇視聽則其節之苦甚矣  
淮南萬畢術曰忝成螬螬言以秋冬穫忝置溝中即生

蟻蟻也說者以為齊人曹氏之子所化論衡曰蟻蟻化為復育復育化為蟬言萬物變禪如此揚雄方言乃云或謂之喧穀或謂之蝎或謂之蛭或謂之天蟻此其為物多矣非止一蟻蟻也

說文  
蟻蟻

尺蠖

尺蠖屈伸蟲也狀如蠶而絕小行則促其腰使首尾相就乃能進步屈中有伸故曰屈伸鄭康成謂之屈蟲郭景純謂之步屈皆此義又如人以手度物移後指就前

指之狀古所謂布指知尺者故謂之尺蠖漢書律歷志  
曰寸者忖也尺者隻也則隻亦自有尺之義矣易曰尺  
蠖之屈以求信也龍蛇之蟄以存身也聖人於物稱名  
小而取義大不以龍蠖巨細而有所遺晏子春秋曰尺  
蠖食黃則身黃食蒼則身蒼然郭璞注方言以為尺蠖  
步屈色青而細小為蜾蠃所負為子者按蜾蠃所負乃  
螟蛉毛詩義疏云螟蛉似步屈此說是矣正以為步屈  
則非也蠖亦作繭而小甘泉賦曰天子穆然珍臺間館

璇題玉英蝸蛸蠖濩之中解者以蝸蛸蠖濩為刻鏤之  
形予按釋魚有蛸蠖水中小赤蟲莊子所謂還軒者藏  
沙中穴如箴孔而蠖亦吐絲作繭有所布濩以此況帝  
居者蓋退藏於密精義入神之至也張協七命曰焦螟  
飛而生風尺蠖動而成響此以微蟲表帝居之淵默亦  
此義耳尺又作斥考工記弓人之職合濩若手背文角  
環濩牛筋黃濩麋筋斥蠖濩此說弓表裏濩漆相合之  
處若人手背文理相應隈裏濩文如環弓背用牛筋者



文如麻子用麋筋者文如斥蠖云段成式稱尺蠖之繭  
為蝶今蝶蓋青蟲所化非行步屈伸者蠖或為蛾未可  
知也

蛄蜥

蛄蜥載蟲也

載千  
志切

身扁綠色似蠶而短背有毒毛能螫

人今俗呼楊痢虫說文楚人謂藥毒曰痛痢一曰傷也  
音如辛辣之辣楚辭以喻讒人九思所謂載緣兮我裳  
是也今牡丹上尤多常在葉背不知者輒遇其毒欲老

則吐汁自裹久漸堅凝如已菽大紫白間理可愛就其中作蛹謂之蛄蜥房一名躁舍一名雀甕俗謂之雀兒飯甕言雀所喜食也又謂之雀癰既久出而為蛾復孳子於葉間或者乃謂雀甕為蛄蜥之卵非也陶弘景云多在石榴木上今石榴上復有一種聚短梗半寸以來周圍植之以自裹行則負以自隨亦化蛹其中俗呼避債蟲

蟬

蟬白魚衣書中蟲也始則黃色既老則身有粉視之如銀故名白魚荆楚之俗七月曝經書及衣裳以為卷軸久則有白魚穆天子傳蠹書于羽陵周官翦氏掌除蠹物鄭氏謂器物生蟲魚韓文公詩曰豈殊蠹書蟲生死文字間謂是也毛詩草木疏曰天子賜諸侯茝蘭可著藏衣書中古者祕書之藏置芸以辟之芸亦香草也後世書勅用黃紙味既苦而蟲不生王充論衡曰變復之家謂蟲食穀者吏貪狼所致也書卷不舒衣襪不懸皆

生蟲也此復關何吏耶一名𩺰魚又名壁魚又名衣魚  
齊明帝疾勅臺省府署求白魚為藥外始知之蟬有談  
尋淫三音淫或訛為經藉之經故又有經音

### 蚰蜒

螻蛄入耳郭氏曰蚰蜒自關而東謂之螻蛄方家說蚰  
蜒大者如釵股色正黃其足無數如蜈蚣狀此蟲好脂  
油香入人耳及諸竅中故因以為名使人戒焉古稱昌  
羊去蚤蟲而來蛉窮蛉窮蚰蜒入耳之蟲昌羊今昌蒲

是其氣芬芳所召爾梓人謂此為卻行之屬今蝸牛之  
無殼者俗呼蜒蚰又呼蝸牛為蜒蚰羸蝸牛驚則退縮  
似應卻行之義然蝸牛要不能入耳當以多足者為是  
楚辭以此物比讒賊王逸九思云昇車兮命僕將馳兮  
四荒下堂兮見蠆出門兮觸蓬蠆巷有兮蚰蜒邑多兮螳  
螂睹斯兮嫉賊心為兮切傷蓋蠆之螫人也在下蓬之  
逐人也自上蚰蜒則自側螳螂則當前是則上下左右  
與夫在前者皆嫉賊矣欲馳四荒其可得耶夫楚辭之

人既不容於內而出出又不容故君子怨焉

蚓

蚓無爪牙之利筋骨之強上食槁壤下飲黃泉勸學者取之以為其用心之一孟子又以比陳仲子以為徒有飲水食土之操而已是雖微物其啓閉有時故月令孟夏螻蟈鳴後五日而蚯蚓出冬至之日蚯蚓結皆以紀候結猶屈也其始穴則首下向至是陽動則穴而上首故其身結屈也周書曰蚯蚓不出嬖奪后蚯蚓不結君

政不行一名土螾又名曲螾夏夜好鳴於草底故江東  
謂為歌女或曰鳴砌周南詩曰嚶嚶草蟲趯趯阜螽說  
草蟲固多端按張衡云土螾鳴則阜螽跳考是以蚓為  
草蟲也贊寧物類相感志亦云阜螽如蝗江東人呼名  
蚱蜢與蚯蚓異類而為雌雄蓋合詩人之說故郭璞贊  
曰蚯蚓土精無心之蟲交不以分淫於阜螽觸而感物  
乃無常雄蚓亦龍屬故星禽龍四物而此居其一焉漢  
書黃帝得土德黃龍地螾見帝王世紀曰黃帝時螾大

如虹或曰地螾大五六圍長十餘丈也抱朴子軍術曰  
蚯蚓見軍中尤多者軍罷又宜備反叛

音釋

蠶

𠵹𠵹

仁廉切

蚝

七吏反

風戾

音麗祭義注風戾之使露氣燥方氏曰風

乾至則

珥餌

音同

𡗗

音愈

○𧈧

音原

鬻

音煮

洩

音搜

彊

音疆

離

高誘曰水稗齊民要術作蘼

虬

音尹

○𧈧

象

象

𧈧

音安

狹長

𧈧由

樗

𧈧音𧈧爾雅注食樗葉者名𧈧由

棘

食棘葉

𧈧

蕭

上音杭

食蕭葉作

𧈧者名𧈧爾雅疏

○蜀

蛸蛸

詩朱傳鳥

蠋

音蜀

奔蜂

小蜂也

一

藿

蠋

藿



中大敦都迴反獨處  
青虫不移之貌  
蟬音善  
蛇反於革  
條徒彫反  
金厄爾雅  
疏厄

作蛇一名烏蠋形  
○蝓蝓上音囚  
蝓音費  
蝓爾雅音昌  
郭云即蝓

蝓疏云蝓蝓也蝓蝓也蝓蝓也  
桑蠹也蝓也一蟲而六名也  
蝓音屈  
發皇視聽  
發分决

狐疑發皇耳  
目注發明也  
壺音斛  
蛭反之日  
○尺蠖上爾雅作蚘  
下於郭切  
隻

音螺  
反古火  
羸郎果反說文螺羸  
冥音冥  
蛉音零  
蛸音濶  
濶

音護布  
濶散也  
蛸反狂充  
間音閑  
環香充切  
還軒上音旋  
司馬云  
顧視也下音寒

井中赤蟲也又  
名蝓  
音吉厥  
合濶  
音捉又音醮  
考工記疏合濶者謂  
弓表裏濶漆相合之處若人合手

背上文理相  
應背補內反  
角環濶  
環如字又戶串反  
疏  
牛筋黃濶  
此說

弓背用牛筋之漆如麻子文

蕢

扶云反

麋筋斤蠖

澗

若用麋其澗文如斤蠖文

○𧈧

𧈧上而占反下音斯

𧈧

千志切

𧈧

力達反

𧈧

與種切

○𧈧

卷音捲

𧈧

音辟

𧈧

兵永反

○𧈧

𧈧

上音由

𧈧

音引

𧈧

演蜈

音吳

公

音公

𧈧

丑介反

○𧈧

音引

與

𧈧

是演反

𧈧上莊額切下莫梗反說文  
𧈧草上蟲也𧈧陟格反

爾雅翼卷二十四

欽定四庫全書薈要卷三千三百五

經部

爾雅翼卷二十五

宋羅願撰

釋蟲二

莎雞 蜉蝣 蟋蟀 螳螂 蜉蝣

青蛉 蜉蝣 蜘蛛 螳螂 胡蝶

莎雞

莎雞振羽作聲其狀頭小而羽大有青褐兩種率以六月振羽作聲連夜札札不止其聲如紡絲之聲故一名

梭雞一名絡緯今俗人謂之絡絲娘蓋其鳴時又正當  
絡絲之候故幽詩云六月莎雞振羽七月在野八月在  
宇九月在戶也寒則漸近向人今小兒夜亦養之聽其  
聲能食瓜莚之屬崔豹古今注曰莎雞一名促織一名  
絡緯一名蟋蟀促織謂鳴聲如急織也絡緯謂其鳴聲  
如紡緯也又曰促織一名促機絡緯一名紡緯其言促  
織如急織絡緯如紡緯是矣但蟋蟀與促織是一物莎  
雞與絡緯是一物不當合而言之爾詩稱六月莎雞振

羽以至九月在戶十月蟋蟀入我牀下一章而別言莎  
雞與蟋蟀可知其非一物也蓋二蟲皆似機杼之聲可  
以趣婦功故易以紊亂孫炎解翰天雞以為小蟲黑身  
赤頭一名莎雞郭氏又云一名樗雞陸璣則云莎雞如  
蝗而斑色毛翅數重下翅正赤或謂之天雞六月中飛  
而振羽索索作聲幽州人謂之蒲錯廣志云莎雞似蠶  
蛾而五色亦曰犢雞蓋皆非其類今莎雞之鳴乃止而  
振羽不待飛也一名馬蠶

蜉蝣

蜉蝣朝生而暮死郭氏云似蜉蝣身狹而長有角黃黑色聚生糞土中豬好啖之陸璣云似甲蟲有角大如指長三四寸甲下有翅能飛夏月陰雨時地中出樊光曰是糞中蝸蟲隨雨而出朝生而夕死蓋蜉蝣者速死之物故以刺曹共公之好奢言雖衣服楚楚安能久也淮南子曰蠶食而不飲二十二日而化蟬飲而不食三十日而蛻蜉蝣不食不飲三日而死又曰鶴壽千歲以極

其游蜉蝣朝生而暮死盡其樂蓋以旦暮為期遠不過三日爾蜉蝣出有時故王褒頌聖主得賢臣云蟋蟀俟秋吟蜉蝣出以陰言知時也又許叔重注淮南子言朝菌者朝生暮死之蟲也生水上狀似蠶蛾一名孳母海南謂之蟲邪則亦蜉蝣之類按今水上有蟲羽甚整白露節後即羣浮水上隨水而去以千百計宛陵人謂之

白露蟲

夏小正五月浮游有殷

蟋蟀



蟋蟀似蝗而小正黑有光澤一名蜚一名蜻蛚一名促織以夏生秋始鳴周書小暑之日溫風至又五日而蟋蟀居壁易通卦系曰蟋蟀之蟲隨陰迎陽居壁向外趨婦女織績女工之象今失節不居壁似女事不成有淫佚之行因夜為姦故為門戶夜開淮南則云蟋蟀居奧奧者西南隅也比寒則漸近人易通卦驗曰立秋蜻蛚鳴白露下蜻蛚上堂詩曰蟋蟀在堂歲聿其暮又曰七月在野八月在宇九月在戶十月蟋蟀入我牀下自七

月至十月入牀下皆謂蟋蟀也言將寒有漸非卒來也而說者解蟋蟀居壁引詩七月在野以為不合然今蟋蟀有生野中及生人家者至歲晚則同爾好吟於土石埽甃之下尤好鬪勝輒矜鳴其聲如急織故幽州謂之促織又其鳴時正織之候故以戒婦功春秋說題辭曰趣織為言趣織也織興事遽故趣織鳴女作兼又里語曰趣織鳴懶婦驚而崔豹云濟南人謂蟋蟀為懶婦非也古稱騰蛇游霧而殆於即且即且乃蜈蚣耳許叔重

謂蟋蟀為即且上蛇蛇不敢動亦非也

說文作蟋蟀

梓人以

注鳴者精列屬方言南楚之間或謂之王孫

螳螂

螳螂有斧蟲有不過螳螂莫辨蚱蜢石螂巨斧等名許叔重又云世謂之天馬蓋驤首奮臂頸長而身輕其行如飛有馬之象故贊八駿圖者以為其狀如麟鳳螳螂然周書曰芒種之日螳螂生不生是謂陰息易通卦驗曰螳螂捕蟬之蟲乘寒而殺物自隱蔽而有所害捕搏之

象也尤工捕蟬五六月蟬得美蔭奮翼而鳴螳螂超枝  
緣條就翳自蔽竦腰舉刃搏而取之昔之鼓琴者見螳  
螂方向鳴蟬將飛未去螳螂為之一前一却絃者聳然  
恐螳螂失之也殺心見於聲故螳螂陰殺之蟲也翳木  
葉也或曰得其翳者可以隱形此蟲惟捕蟬時有進退  
之勢餘則知進而已齊莊公出獵有蟲舉足將搏其輪  
問其御對曰此謂螳螂者也其為蟲也知進而不知却  
不量力而輕敵莊公曰此為人必為天下武勇矣迴車

而避之

莊公避一螳螂而勇武歸之

勾踐禮蝦蟇其遺意也莊子曰

螳螂怒臂以當車轍不知其不勝任也是才之美者也

言非不有美才顧不勝任耳或曰回車者勾踐故郭璞

贊曰螳螂氣蟲揮斧奮臂當轍不迴勾踐是避勇士致

死勵之以義

說文堂螂一名蚘父

蟬蛸

不過螳螂其子蟬蛸螳螂卵也螳螂逢樹輒產其卵皆相連綴多在小桑上及叢棘間三月四月中每枝出小

螳螂數百螳螂應殺之蟲故小暑至後五日而生所應者微陰故螳螂司殺之小者也蜉蝣所在有之以桑上者為佳是兼得桑皮之津氣耳市之偽者以膠着桑枝之上則無益矣一名蜉蝣本草則謂之桑螵蛸主於藥而言也范子記然曰螵蛸出三輔上價三百又海中有烏賊魚背如檣蒲形亦有螵蛸之名故方家謂此為桑螵蛸謂彼為海螵蛸

說文  
螵蛸

青蛉

青蛉好飛集水上有青赤黃三種色青而大者曰青蛉  
一曰青亭小而黃者曰胡黎一曰胡離小而赤者曰赤  
卒一曰絳騶一名赤衣使者亦名赤弁丈人好集水上  
赤卒絳騶者漢制導卒之服也故以比之然揔曰青蛉  
則以大者為主呂氏春秋曰海上有人好蜻蛉者每朝  
居海上從遊有蜻蛉至者數萬前後左右盡蜻蛉也終  
日翫之不去其父使取來翫之明日往之海上而蜻蛉  
無至者言機心存則物不附又莊辛對楚襄王曰君王

獨不見蜻蛉乎六足四翼蜚翔乎天地之間求蚊虻而食之待甘露而飲之自以為無患與民無爭也不知五尺之童子膠絲竿加之乎四仞之上而下為蟲蟻食也此其情狀荆莊王命養由基射蜻蛉曰吾願生得之養由基援弓射之拂左翼一名螭淮南子稱蝦蟇為鵪水蠆為螻蛄皆生非其類唯聖人知其化又稱水蠆為螻了子為蟲兔齧為蟹物之所為出於不意弗知者驚知者不怪詳此類變易固不足驚又人皆習知不待聖人



也彼將因衆人耳目之所見以極視聽之所不接蓋發  
端於此耳水蠱既化青蛉青蛉相交還於水上附物散  
卵出復為水蠱水蠱復化焉交相禪無已郭璞稱江東  
名為狐黎淮南人呼蠓蚱今鄱陽人呼江雞蓋蠓蚱之  
轉說文蜻蛉一名桑根

蜣螂

蜣螂黑甲蟲能以土包糞轉而成丸圓正無斜角莊子  
曰蜣蜋之智在於轉丸陶弘景云取糞丸而却推之今

按其類似有雌雄以足撥取糞項之成丸相與遷之其一前行以後兩足曳之其一自後而推致焉乃掘地為坎納丸其中覆之而去不數日而丸中若有動者又一二日則有蜣螂自其中出而飛去蓋是乎乳氣其中以此覆裹之藉之以生抱朴子曰玄蟬潔饑不羨蜣螂穢飽然世或言蜣螂能化為蟬所為轉丸者藉以變化也未知孰是崔豹古今注曰一名弄丸一名轉丸俗名推丸其鼻高目深者名胡蜣螂

蜘蛛

蠶蠶布網於簷四隅狀如罾自處其中飛蟲有觸網者輒以足頓網使不得解其力大有甲翅者纏縛甚急已乃食之春秋二時得煖風而生旋吐游絲飛颺其身故春月游絲有長數丈許者皆蠶蠶所為也古人稱太昊師蠶蠶而結網故張望賦云吐自然之纖緒先皇義以結網新序曰湯見祝網者置四面而祝湯乃解其三面置其一面更教之祝曰昔蜘蛛作網今之人循序欲左

者左欲右者右欲高者高欲下者下吾取其犯命者然則網罟之設雖取諸離亦有象於此也焦贛易林曰蜘蛛作網以司行旅又曰蜘蛛南北巡行罔罟字說曰設一面之網蟲至而獲焉知誅義者也考陶弘景云蠶

類數十種爾雅載七八種今草蠶蠶有五色長脚者作

網畢以大絲向四隅各絡數十折或云以厭勝諸蟲云

又有土蠶蠶

大玄曰蜘蛛之務不如蠶之綸

蠨蛸

蠨蛸小蠶鼃長脚者俗呼為喜子陸璣疏云蠨蛸長跼  
一名長脚荊州河內人謂之喜母此蟲來着人衣當有  
親客至亦如蠶鼃為羅網居之詩曰蠨蛸在戶言為網  
於戶也陸賈曰目睨得酒食燈花得錢財乾鵲噪行人  
至蜘蛛集百事喜劉子曰今野人晝見喜子者以為有  
喜樂之端夜夢見雀者爵位之象然見喜子者未必有  
喜夢雀者未必彈冠而人悅之者以其利人也今人以  
早見為喜晚見為常又云在頭則有喜事蠨蛸既主有

喜而豳詩以在戶言憂思感傷者蓋果羸伊威蠨蛸鹿  
場熠燿此五物者家無人則集所以令人感思此自以  
着衣為有喜客以為義爾荆楚之俗七月七日設瓜果  
於庭中以乞巧有喜子網於瓜上則以為得巧

# 胡蝶

胡蝶以芳時飛集花間翩翩相逐物之適意者故莊周  
夢為胡蝶栩栩然胡蝶也不知周也俄而覺則蘧蘧然  
周也明人之精神開闔不能自知故有夢為鳥而麗乎

天夢為魚而麗乎淵考以極其升沉至於此則又不抑

不亢徜徉兩間有俯仰自足之意以極物之化蓋必有

所寤矣蝶物之善化者今菜中青蟲當春時行緣屋壁

或草木上以絲自固一夕視之有圭角六七日其背罅

裂蛻為蝶出矣其大蝶散卵於柑橘上為蟲青緣既久

則去為大蝶崔豹古今注曰蛺蝶一名野蛾一名風蝶

江東人謂之槿末色白背青者是也其有大如蝙蝠者

或黑或青班名曰鳳子一曰鳳車亦曰鬼車生江南甘

橘園中而唐滕王圖畫蛺蝶有江夏班大海眼小海眼

村裏來菜花子之目北齊魏收輕薄時人號云魏收驚

蛺蝶說文作蛺蝶徐鉉曰俗作蝶  
非是列子鳥足之葉為胡蝶

# 音釋

莎雞 翰爾雅音汗 雙赤周反 戴音節 ○ 蜉蝣浮遊 蛄起

反 蜚音 ○ 蟋蟀 蚤音拱 趨音促 即或即莊子作蛭且

注鳴注周禮 ○ 塘螂音唐 有斧蟲爾雅疏有臂若斧

名不過一名蟪蛄一名當丁郎 蟻音箱 莫貍下音鶴 蚌

蚌一名巨斧其子蜉蝣反



音年 注 𧈧 音祈

○ 𧈧 音毗 消塘螂一物而有六名其子則有三名 𧈧 𧈧 𧈧 𧈧 𧈧 𧈧 也

𧈧 布莫 𧈧 音焦 𧈧 音蒲 通作 𧈧 說文匹 〇 青蛉 力丁 駟 反

音鄒 𧈧 反 𧈧 上音予 下音務 𧈧 上音吉 下音厥 𧈧 淮南注青蛉也 𧈧 或作 𧈧 𧈧 字異

而音義同俗 𧈧 乃多奴 𧈧 注 𧈧 所齧草靈在其心中化為 𧈧 一說 𧈧 𧈧 虫

名 𧈧 音康 〇 𧈧 音羗 𧈧 音吉 却推 他回 𧈧 餘制反 𧈧 伊 郎

〇 𧈧 音須 〇 𧈧 上音蕭 下音 𧈧 去音 𧈧 潤 倫 注 綸 所交反

切目 伊威 鼠婦 果 𧈧 力果反 𧈧 以救 𧈧 以照 〇 胡蝶 動也 𧈧 反

𧈧 布玄 𧈧 方六 𧈧 說文臣鉉等曰今俗 𧈧 作蝶非是徒叶切

爾雅翼卷二十五

東 華 書 院

總校官庶吉士臣張能照

校對官檢討臣王福清

謄錄監生臣單勉中

欽定四庫全書薈要

經部

爾雅翼卷二十六至  
九



詳校官主事銜臣徐以坤

欽定四庫全書薈要卷三千三百六

經部

爾雅翼卷二十六

宋羅願撰

釋蟲三



逢

蜜逢

果羸

蠆

蚊

蚤

蚤

蚤

螻

蚍蜉

逢

逢種類至多其黃色細腰者謂之蜂蜂腰間極細僅相  
聯屬天地之性細胷純雄大腰純雌純雄謂蜂純雌龜

鼈之屬也列子亦曰純雌其名大腰純雄其名樨蜂言  
無雌雄而自化故淮南子以蜂之類為貞蟲言其無欲  
也博物志以為蜂無雌取桑蟲或阜螽子抱而成已子  
今細腰蜂作房在小樹上及人家簷下房皆倒懸其綴  
着處必以漆房中各有子如粟稍長如蛹能動逐時飼  
之久則封之生翼而出其樨者復孚卵則增房益多其  
在大木上者蜂與房皆大謂之露蜂房又謂之百穿其  
房大者如甕小者如桶至大者如巨鍾房數百層子至

石許又土蠶黑色似木蠶而大地中作房蠶之最大者  
螫人至死能食蜘蛛楚辭云赤蟻若象玄蠶若壺壺形  
圓大故蠶似之方言蠶大而蜜謂之壺蠶今人亦呼為  
胡蠶

蜜蠶

蜜蠶似蠶而小工作蜜說文蜜字作𧈧云蠶甘飴也蓋  
若鼎器焉而冪之山海經曰穀城之上足蜂蜜之廬今  
土木之蠶亦各有蜜北方地燥多在土中故多土蜜南

方地濕多在木中故多木蜜今人家畜者質小而微黃大率腰腹相稱如蠅蟬也喜事者以窠木容數斛寘蜂其中養之開小孔纔容出入永嘉地記曰七八月中常有蜜蜂羣過有一蜂先飛覓止泊處人知輒內木桶中以蜜塗桶中飛者聞蜜氣或停不過三四來便舉羣悉至今人家所養蜂或羣逸以千百數中有大者為王羣蜂舁之從其所往人收而養之一日兩出而聚鳴號為兩衙其出採花者取花鬚上粉寘兩髀或採無所得經



宿花中不敢歸房中蜂多則復分為隊雀及蜻蛉好捕食之冬寒則割蜜今宛陵有黃連蜜則色黃而味小苦雍洛間有梨花蜜色如凝脂亳州太清宮有檜花蜜色小赤南京柘城縣有何首烏蜜色更赤各隨所採花色而性之溫涼亦相近蜜脾底為蠟有蜜香氣然蜜極甘而蠟至淡獨為一異孝經援神契曰蜂蠆垂芒釋蟲曰蠆醜蠆謂垂其腴腴即腹下螫毒也今細腰螫人皆復引其芒去蜜蜂螫人芒入人肉不可復出蜂亦尋死傳

言尹吉甫妻取蜂去毒繫衣上以諧伯奇即此也古稱蜂蠆有毒今蜂近其房輒羣起攻人故古稱蠆起之將戰國有蠆旗軍行用之又軍行卒逢羣蜂及飛蠆多者必驚於藏伏之賊王莽時九江連率賈萌守郡不降有飛蜂附萌車為漢兵所誅晉陶侃表袁謙為高涼太守未至百餘里浦中有蜜蜂蔽日而下謙船已而皆不利洪範五行傳秦昭王時上郡大饑草木盡死蜂食田苗

關尹子聖人  
師蜂立君臣

果羸

果羸即細腰黑蜂也說文作螭羸俗呼為翳螭詩言螟

蛉有子果羸負之螟蛉桑蟲也果羸蒲盧也負持也箋

云蒲盧取桑蟲之子負持而去煦嫗養之以成子詩義

疏云螟蛉似步屈其色青細小或在草葉上土蜂取之

寘木空中或書卷間筆筒中七日而成其子里語曰呪


云象我而楊子雲亦云螟蛉之子噎而逢果羸祝之曰

類我類我久則肖之矣唯陶隱居云今一種黑色腰甚

小街泥於人壁及器物邊作房如併竹管其生子如粟  
米大置中乃捕取草上青蜘蛛十餘枚蒲中仍塞口以  
擬其子大為糧也其一種入蘆竹管中者一名果羸亦  
取草上青蟲詩之螟蛉有子果羸負之言細腰無雌皆  
取青蟲教祝便變成已子斯為謬矣造詩者乃可不察  
未審夫子何為因其僻耶按陶氏之說實當物理然以  
是疑聖人則有所不可詩第言果羸負之如國君不能  
有具民則為他人所取不言負去為子也猶鴟鴞云鴟

鴉鵂鴉既取我子亦可謂鴉取衆鳥為子乎但說者見其負之以往遂因為是說然詩之本旨自不如此而箋疏及揚子雲之語踈矣

蠆

說文曰蠆毒蟲也象形蓋象其奮螫曳尾之形今之蠆也說者以為鼠負之大者多化為蠆葛洪方云蠆中國多此江南無也

韓文公詩照壁喜見蠆

或云江南舊無蠆開元

初嘗有主簿竹筒盛過江至今江南往往有之俗呼

為主簿蟲蜥易能食之故蜥易一名蠍虎又為蝸牛  
所食先以跡規之不復去今人或為蠍螫者以蝸牛  
涎塗之痛立止蠍前謂之螫後謂之蠍通俗文云長  
尾為蠍短尾為蠍晉語申生曰雖蝎譖焉避之左傳  
曰蠍蠍有毒又曰已為蠍尾以令於國莊子曰其智  
惜於蠍蠍之尾然則為害甚矣今醫家謂蠍尾為蠍  
稍削通曰猛虎之猶與不如蠍蠍之致蠶嵇含謂諺  
曰過滿百為蠍所螫唐制三月上巳日賜侍臣柳棬

云帶之免蠱毒有處士之名無爵列於朝者商君謂之  
六蝎都人士之詩曰彼君子女卷髮如蠱鄭氏謂蠱螫  
蟲也尾末捷然似婦人髮末曲上卷然禮斂髮無髻而  
有曲者以長者皆斂之不使有餘鬢傍短者不可斂則  
因之以為飾故曰匪伊卷之髮則有旗先儒以為旗揚  
也非故卷之髮當自有揚起者爾淮南子言鄭舞者髮  
若結旌許氏曰屈而復舒也結旌則旗之義都人士所  
以刺長民者衣服之不常次章并及內外命婦之飾故

曰綢直如髮如而也言髮甚綢直也次曰謂之尹吉言髮為結甚至也未曰卷髮如蠶言首飾整然矣世衰禮廢則婦人之飾相尚以奇異髻喪禮也南宮縚之母死夫子猶誨兄子以毋從從母扈扈謂長大垂髻之狀也况幽王之時褒姒以男冠化於上則婦人之髮結可知其不為墮馬髻者幾希矣宜乎事雖微而思古之長民者也

索靖草書  
名蠶尾

蚊



蚊者惡水中孑孓所化嗜人肌膚其聲如雷東方朔隱語云長喙細身晝亡夜存嗜肉惡煙為掌指所捫其生草中者吻尤利而足有文彩吳興號豹脚蚊子所以從文以有文也亦或從昏志其出時也或從民昏之省也又用閩越之閩蟲之在門中者大抵秋後吻輒破不能螫或云更慘於未破時說文曰秦謂之蚋楚謂之蚊夏小正云丹鳥羞白鳥丹鳥螢也白鳥蚊也謂螢以蚊為羞糧則未知其審也金樓子云齊威公卧於柏寢白鳥

營飢而求飽因開翠紗之幬進蚊子焉其蚊有知禮者  
不食公之肉而退有知足者噍公之肉而退有不知足  
者遂長噓短吸而食之及其飽也腹為之潰公曰嗟乎  
民生亦猶是矣蚊為小矣而物又附之江浦之間有麼  
蟲名曰焦螟羣飛而集於蚊睫弗相觸也栖宿去來蚊  
弗覺也或曰巢於蚊睫再乳而蚊不驚或云在蚊翼下  
每生九卵伏成九子俱去而蚊不知惟黃帝容成神視  
氣聽形若嵩山之阿而聲若雷霆此所以極小大之分

也古者謝章詔板用蚋脚書亦一書之體

蟲

蠹從民省聲蠹從𠂔省聲考民則有害於人若蠹傷牛

馬亦田𠂔之患也蠹有數種商浙以南江嶺間有大木

蠹長大綠色殆如次蟬啞牛馬或至頓仆蜚蠹狀如蜜

蜂黃黑色又一種小者名鹿蠹大如蠅齧牛馬亦猛三

蠹所食同故說苑曰蠹喙仆柱蚊蠹失牛古語搏牛之

蠹不可以破蠹言才有分能大者不必能細也好聚於

牛馬之尾楚語曰譬之如牛馬處暑之既至螽蟷之既多而不能掉其尾蓋大曰螽小曰蟷處暑七月節牛馬之氣蒸鬱故螽之大小集焉尾重而不掉也牟子曰昔公明儀為牛彈清角之操伏食如故轉為螽蟷之聲則翹尾而躡蹠然螽亦有不食之時淮南子曰夏至而流黃澤石精出蟬始鳴半夏生螽蟷不食駒犢鷥鳥不搏黃口許叔重以為五月微陰在下未成駒犢黃口肌血脆弱故螽蟷鷥鳥應陰不搏食之也然則古者郊必用

擯將事于四海山川則飾黃駒豈物所不傷純全至繫耶

蚤

蚤齧人跳蟲也緩輒失之辨之在蚤故為早暮之早其字從爪爪而得之說文作蚤韓子曰韓昭侯搔而佯亡一蚤求之甚急左右因取其蚤而殺之昭侯以此察左右之不誠也莊子曰鴝鵒夜撮蚤晝日瞋目而不見丘山考以其微而善跳鴝鵒獨能夜撮之以喻其精明如

此非果有蚤撮之也說者乃謂人翦爪在地鴟鵂夜至  
人家撮拾視之知有吉凶輒更其家故五行書埋爪必  
有處所此自一說未必莊書之本旨也今沐猴亦好為  
人撮蚤云淮南子云昌羊去蚤虱而人弗集者為其來  
蛉窮也昌羊今之昌蒲蛉窮入耳之蟲則所去之害小  
而所來之患大

趙壹解擯賦  
丹鴻可殺蚤

蟲

蟲齧人蟲也養生論曰蟲處頭而黑麝食柏而香以明

隨所處而易知生有可養之道又淮南子曰湯沐具而  
蟣蝨相弔大厦成而燕雀相賀以言禍福有非類而相  
及者東觀漢記曰馬援擊尋陽山賊上書曰除其竹木  
譬如嬰兒頭多蟣蝨而剃之蕩然蚤蝨無所復依書奏  
上大悅因出小黃門頭有蝨者皆剃之因謂之頭蝨章  
而應侯謂秦王曰王得宛臨陳陽夏斷河內臨東陽邯  
鄲猶口中蝨也王莽校尉韓威曰以新室之威而吞胡  
虜無異口中蚤蝨曹植著論亦曰得蚤者莫不摩之齒

牙為害身也三人皆世所尊貴人也其言乃爾何故又  
物皆有蟲故淮南子曰牛馬之氣蒸生蟣蟲而莊子號  
豕蟲為濡需擇䟽鬣自以為廣宮大囿奎蹄曲隈乳間  
股脚自以為安室利處卒與豕俱焦又蛇鱗甲中亦皆  
有蟲云商子以小臣之害比之為蟲言微而不可不去  
也

螻

螻小蟲穴土中好夜出今人謂之土狗一名螻蛄一名



碩鼠一名蝮亦一名螻蛄以孟夏鳴應陰之蟲其出入與蚓同時淮南子孟夏之月螻蛄鳴丘螾出蓋四月陰氣始動于下故二物應之而鳴又螾亦隨出至冬則又隨盡揚雄法言所謂狐狸螻蛄不腰臘也與是也螻與螾皆穴土以居宜於土者故黃帝以土德王天下天先見大螻大螾黃帝曰土德勝故其色尚黃其行則土然說文解螭云若龍而黃北方謂之地螻則未知黃帝時所見為何等也此物有神異故干寶記龐氏常祠螻蛄

王逸九思云螻蛄兮鳴東茅戴兮號西以其應陰而鳴  
比小人也有五能而不能成其伎一飛不能過屋二緣  
不能窮木三汭不能渡谷四穴不能覆身五走不能絕  
人按荀卿稱螭蛇無足而飛梧鼠五技而窮謂鼯鼠飛  
生者爾說文稱鼯為五技之鼠則已別是鼠之一類而  
崔豹古今注又以此螻一名鼯鼠者當之三者不同未  
知孰是今螻翅小而短不能覆背飛去皆不遠又穴土  
而居常露於外以今所見則五技殆謂此也金中螻頂

金最為上以六兩為一垞有卧螻蛄穴云

夏小正三月穀則鳴

# 螂蛆

蛇物之慘毒者螭蛇又蛇之神者而螂蛆能制之故曰螭蛇游霧而殆於即且張揖廣雅云螂蛆吳公也莊子曰螂蛆甘帶司馬彪曰帶小蛇螂蛆喜食其眼春秋考異郵曰土勝水故螂蛆搏蛇宋均曰螂蛆生於土蛇藏物屬於坎坎水也為隱伏也今螂蛆忽見大蛇便緣而啖其腦或曰蛇虺見之而蟠伏螂蛆當其前以施禁法

蛇即為之開口。螂蛆入食其腸，復穴其旁而出。或曰：大蛇過一圍者，螂蛆以氣禁之，蛇即死矣。蛇或遇之走匿水底，螂蛆但浮水上，禁之人見有物，正青大如綫者，直下入水。至蛇處，須臾蛇浮出而死。今南人入山者，皆以竹管藏螂蛆。螂蛆知有蛇之地，輒動作於管中。草中蛇虺無不驚竄。又善嗅龍腥，其生深山大枯木中者，遇天將雨，雲穿拂而度，輒成羣爭就最高處，作挐空欲奮之狀。今天台大木為雷所震者，必有螂蛆為雷火所燒死。

蓋是龍惡此屬南方乃極有大者南越志云大者皮可  
以冒鼓肉曝為脯美於牛肉又云長數丈能噉牛里人  
遇之則鳴鼓然炬以逐之嶺南異物志云珠崖人每晴  
明見海中遠山羅列如翠屏而東西不定悉吳公也葛  
洪賦曰吳公大者長百步頭如車箱可畏惡屠裂取肉  
白如瓠稱金爭買為羹脯是也而說者乃曰山東人呼  
蜘蛛為即且亦能制蛇郭璞以為即且似蝗大腹長角  
能食蛇腦許叔重又以即且為蟋蟀上蛇蛇不能動皆

非也

音釋

逢

貞蟲

淮南注無牝壯之合曰貞螫

音失

蠶

彌必切

冪

覆也亦作幪莫狄反

窾

音欸空也

螫

爾雅音俞謂垂其腴說文余足反

蚤

音盲蚊也

果羸

蝟

古火反

螫

音噎

螫

於公反土蜂也晉慕容既牽騎出螫啼塞

煦

呀句切

區

威遇反禮女記注以氣

體

曰煦以祝

頭

或作呪也

併

音餅

○薑

丑介反

螫

音蠍教蠍音

蜥

音螫

舒亦反

惜

音慘痛也

猶與

又作猶

豫獸

蠶

音螫

作螫

卷

髮

音拳曲也

捷然

上丘言反舉也

髻

音第髮也

旗

音余

綢

音儔

髻

側爪切去纚而

髮日緇吐刀母從從音總謂母扈扈音戶謂鬚重垂反

緇  
吐刀切

母從從

音總謂  
太高

母扈扈

音戶謂太廣

音與推反

同  
○文  
子  
音吉  
厥  
替  
音慘  
又  
病  
而  
銳  
壽  
音儔  
樂  
子

文子

音吉厥

替音慘

又端而

銳壽音

唯子

反麼麼細小也睫音接伏扶富反𧈧音盲𧈩音盲與蚊蜚扶貴切

亡果反么  
麼細小也

睫音接

伏反扶富

盲音

同與蚊  
蜚

扶貴切

蛭音緣  
 蝨以季反  
 流黃石精出許注流黃土之精也陰氣作於下故流澤而出

以季反

流黃石精出

許注流黃土之精也陰氣作於下故流澤而出

也石精五  
色之精  
○蚤音早  
鵠尺夷反  
夜撮七括反  
瞋尺夷反又處辰反張也崔

○蚤 音早

鴟尺夷反

夜撮反七

括  
眞  
辰尺

夷反又處  
反張也崔

音眩本撮蚤淮南子鷗夜聚蚤察分豪末許慎云鷗夜  
或作瞋聚食蚤蚤不失也司馬本作蚤音文云鷗

撮蚤

淮南子鵠夜聚蚤察分豪末許慎云鵠夜聚食蚤蟲不失也司馬本作蚤音文云鵠

鵲鷗夜取螽食崔本作爪云鷗鵲  
夜聚人爪於巢中也莊子音義  
○螽音瑟  
濡音儒

食雀本作爪云鷓鴣  
巢中也莊子音義

○ 孔 音 瑟

濡  
音儒

需音須濡需謂偷 奎苦奎反 曲隈烏回反 股間也 ○ 螻音樓 螻

音須濡需謂偷  
安須臾之頃

奎 反 苦奎

曲隈鳥回反  
股間也

○ 𧈧 音樓

螻

胡桂反 蝨音斛 腰龍珠反 螭抽知反 戴音節 囚音囚 螂

蛆子余反 紕音延 冠音留 挈女居反 音音

上覆

挈

挈或作挈

爾雅翼卷二十六



欽定四庫全書薈要卷三千三百七

經部

爾雅翼卷二十七

宋羅願撰

釋蟲四

螢 蜩 螳 蟹 螭 青蠅

蒼蠅 蜚 螟 蟻

螢

螢夜飛之蟲腹下有火腐草及爛竹根所化月令季夏之月腐草為螢又謂之丹鳥夏小正曰丹鳥羞白鳥丹

鳥也者謂丹螢也白鳥也者謂蚊也其謂之鳥者重其養也凡有翼者為鳥羞者進也不盡食也此言螢食蚊蚋又今人言赴燈之蛾以螢為雌故誤赴火死然螢小物耳乃以蛾為雄以蚊為糧皆未可輕信月令則云群鳥養羞而已豳詩稱熠燿宵行毛氏云熠燿燐也又解燐云燐螢火也蓋燐者兵死之血發為鬼火故曹植以為燐者鬼火之名非螢火說者徒以熠燿有可畏之語故以鬼火解之今曠野中螢乃甚大夏夜亂飛煌煌乃

實有可畏之象故與鬼火同名後漢張讓段珪劫少帝  
及陳留王走小平津帝與王夜步逐螢火光行數里隋  
煬帝幸景華宮求螢火得數斛夜出游山而放之光遍  
巖谷二者均於亂亡而晉車武子好學家貧不常得油  
夏月則練囊盛數十螢火以夜繼日焉古今注一名暉  
夜景天夜光宵燭今有一種蟲如蛆尾亦帶火但無翼  
不飛名曰蛆螢

說文明堂月令曰腐草為蠋馬蠋也淮  
南曰腐草化為蜎馬蛭也周書時訓大

暑之日腐草為螢腐草不為螢

穀實鮮落萬畢術螢火却馬

蜩

蜩螗蜩螗舍人云皆蟬方言楚謂蟬為蜩宋衛謂之  
螗蜩陳鄭謂之螗蜩秦晉謂之蟬是蜩蟬一物方俗異  
名耳蜩寒蜩郭璞曰寒蜩也似蟬而小青赤引月令寒  
蟬鳴與詩鳴蜩不同者夏小正云五月螗蜩鳴七月寒  
蟬鳴是其異也五月鳴者名寧母似寒蜩而小七月鳴  
者名蜩螗色青考工記以旁鳴者蜩蜩屬蟬鳴在脅淮  
南子曰蟬無口而鳴飲而不食三十日而蜩記曰范則

冠而蟬有綏

范蜂也

爵鷦蜩范皆人君燕食所加庶羞荀

子曰耀蟬者務在明乎火振其樹而已說者謂南方人

照蟬取而食之莊子曰仲尼適楚出於林中見病僂者

承蜩猶掇之也論衡曰復育轉而為蟬

枯蟬一名伏蟄

董仲舒

曰齊王之后怨王而死變為蟬故名齊女禮冠飾附蟬

取其清高飲露而不食也本草蚱蟬生楊柳上詩曰苑

彼柳斯鳴蜩嘒嘒是形大而黑所謂馬蜩

今夏中鳴者比衆蟬最大

蚱蟬聲也又如蜩如蟬言謹譁也毛氏曰蟬蜋也舍人

曰三輔以西為蜩梁宋以東謂蜩為蟻楚地謂之蟻蛄  
楚辭云蟻蛄鳴兮啾啾是也陸璣疏云蟬一名蟻蛄字  
林蚋或作螻青徐人謂之蟻蟻然則蟬蟻亦蟬之別名  
耳

楚辭蟬寂寞而無聲王逸注云蟬蜩飲翅而伏藏也

郭璞贊曰蟲之精絜可貴

惟蟬

蟬

蟬大者俗呼馬蚬蜉夏小正十二月玄駒賁玄駒蟬也

書蟻裳色玄

蟻知將雨易林震之蹇蟻封穴戶大雨將集齊

威公北征孤竹無水隰朋曰蟻冬居山之陽夏居山之陰蟻壤守而有水抱朴子曰蟻有兼弱之智闕尹子曰師戰螳置兵蟻通作蛾記曰蛾子時術之晉語曰蝼蛄螻蟻皆能害人

蜃

蜃飛螳蜃之有翅者蓋柱中白螳之所化也白螳狀如螳卵凡斬木不以時木未及燥而作室或柱礎去地不高則是物生其中以泥為房詰曲而上往往變化生羽

遇天晏濕群隊而出飛亦不能高尋則脫翼藉藉在地而死矣魯宣公十五年冬蜾生劉歆以為蜾蠃蠹虬蟬之有翼者食穀為災黑眚也其意以春秋下文書饑故因云食穀顧方冬而陽不收斂蟄蟲飛揚此自應有所傷害不必食穀而後為災也又董仲舒說蝗子也說者亦多以蜾為螽螟之類失之愈遠說苑曰蠹蜾仆柱蚊蚋失牛

螭



螾螾之小而綠色者釋蟲云螾螾舍人曰小蟬也  
青青者某氏曰鳴螾螾者孫炎曰方言有文者謂之螾  
郭氏曰如蟬而小有文其額廣而方故碩人詩曰螾首  
蛾眉言碩人之美也古之選女者非特取其娥媼靡曼  
而已蓋必合之法相焉不邇窮困不近寒陋故曰角犀  
豐盈螾首者即角犀豐盈之謂也高唐賦曰骨法多奇  
應君之相蓋言其相貌之美足以當國君於是而不見  
荅此詩人所為閔矣夏小正曰鳴螾虎懸今北人亦謂

之螾又閩人謂大蠅為胡螾亦螾之類

青蠅

青蠅古以喻讒人以其所趨甚汙終日營營而不知止  
又為聲以亂人聽故以比然必言止于樊棘者鄭氏以  
為欲其遠之常限之藩籬之外此不然也夫物之逐臭  
者投隙而進豈能限絕蓋室之區必植榛棘為藩以蔽  
之正蠅所宜集止耳說者又以青蠅點白為黑點黑為  
白自昔相傳如此歐陽公獨以為今之青蠅所汙甚微

以黑點白猶或有之然其微細不能變物之色詩人惡  
讒言變亂善惡其為害大必不引以為喻至於點黑為  
白則未嘗有之據今青蠅之行好遺矢於物上遇物之  
絜者則見論衡曰清受塵白受垢青蠅所汙常在練素  
此所謂點白為黑也至其循繞研上引取墨汁斯須之  
頃盈寸白駁矣則所謂點黑為白者也二者為害雖微  
然傷物之全亂物之正實自此始正當謹以為戒也故  
法言或問蒼蠅紅紫曰明視以蠅變白黑紅紫亂朱故

也君子之於讒也初蓋易之至於亂之又生而後君子  
信讒此詩亦然故首章但云毋信讒言至其二章則已  
交亂在外之四國至其三章則雖同心如我二人者亦  
不能以相有其始輕之而不忌皆如此蠅矣漢昌邑王  
賀夢青蠅矢積西階東可五六石以問龔遂遂亦勸放  
遂左側讒人而魏何晏夢青蠅數十來鼻端驅之不去  
管輅亦以為鼻者天中今蠅臭惡而來集之位峻者顛  
輕豪者亡詩人取喻豈虛乎哉

# 蒼蠅

蒼蠅蠅之絜者雅有青蠅風有蒼蠅蒼蠅比於青蠅而大其色蒼好集几桯食飲上者是也齊詩曰匪雞則鳴蒼蠅之聲段成式以為蒼蠅聲雄壯青蠅聲清聒而埤雅亦云青蠅首赤如火背若負金蒼蠅又其大者肌色正蒼今俗謂之麻蠅段氏則以青蠅與蒼蠅交互言之陸氏言蒼蠅則非今雖有麻蠅一種然比此二種絕少又蠅之小者其色自蒼今人正謂之蒼蠅不待別引且

詩以齊哀公荒淫怠慢故陳賢妃貞女夙夜警戒相成之道宮寢之間懷蒞握蘭之所豈大於青蠅者所宜集耶

蜚

蜚者負盤臭蟲也亦作蜚似蠶蟲而輕小能飛生草中八月九月知寒多入人屋裏逃春秋莊公二十九年有蜚劉歆以為負蟻也性不食穀食穀為災介蟲之孽其父向則以為蜚色青近青青也非中國所有南越盛暑男女同川淫風所生為蟲臭惡莊公將取齊淫女為夫

人故蜚至天戒以為將生臭惡聞於四方也說者以為  
蜚中國所有非南越之蟲未詳向所說蜚誠臭蟲今所  
在有之草間之物不必皆因男女同濫而生也向之論  
似不若歆之薦然歆言食穀為災者亦為未當今負盤  
好以清旦集稻上食稻花田家率以蚤作掇拾置他所  
至日出則皆散去不可得矣既食稻花又其氣臭惡能  
燬稻使不蕃春秋書之當由此爾今人謂之蜚盤蟲亦  
曰香娘子 本草云蜚蠊

螟

古者言螟螣蟲賊者曰食苗心螟食葉蟥食節賊食根  
蟲耳乃未始的言其狀惟五行傳稱視之不明時則有  
羸蟲之孽謂螟螣之類當死不死未當生而生或多於  
故而為災聽之不明時則有介蟲之孽蝻蜚蛄之類或  
曰蛄螟之始生屬羸蟲之孽然則但知螟螣之為羸蝻  
蛄之為介而已今食苗心者乃無足小青蟲既食其葉  
又以絲纏集衆葉使穗不得展江東謂之蟥蟲音若橫



逆之橫言其橫生又能為橫災也然按蝗字通有橫音以為物雖不同皆害稼之屬也漢孔臧募蟲賦曰爰有蠕蟲厥狀似螟是螟為無足蟲也

淮南子曰枉法令則多蟲螟

蟥

食葉曰蟥又曰食穀葉曰螟食苗葉曰蟥蟥之字又作螣其種類不一故曰百螣時起許氏以為百螣動股蝗屬也時起害稼動股則阜螽阜螽則今螽

之庸切顏云

蟲也

劉向以為介蟲之孽春秋書螽在秋者四在八月者三

在九月十月者一在十二月者二惟十二月者乃是失  
閏之過其餘八月九月十月者蓋夏之六月七月八月  
也螽類群盛故有雨螽于宋言自上而下衆多之甚故  
以雨言之今蝗之盛或蔽天其過河皆相銜而過疊疊  
不絕詩曰后妃子孫衆多言若螽斯螽斯羽詵詵兮宜  
爾子孫繩繩兮此之謂也說文螟蟲食穀葉者更冥冥  
犯法則生螟蟥蟲食苗葉者更乞貸則生蟥京房易傳  
曰臣安祿茲謂貪厥災蟲食根德無常茲謂煩蟲食葉

不絀無德蟲食本與東作爭茲謂不時蟲食節蔽惡生  
孽蟲食心王充論衡曰變復之家謂蟲食穀者吏貪狼  
所致也蟲頭赤者武官黑者文吏按蟲頭赤身白頭黑  
身黃復應何官耶

說文蝗蟲也考工記  
股鳴蚣蜻動股屬

### 音釋

螢

燐

音吝

練

音踈

蛆

子余反

馬蠲

音消

蚘

音牽螢火  
又古奚切

蛭

音賢馬蛭  
蟲百足

○蛭

蜋

蜎

蜎

夏小正傳曰蜎  
蜎者五色具

蟪

蜎

夏小正  
傳曰蟪

蜎

者蜎俗  
呼為胡蟬

蜎

音倪

蛭

蛭

上貂

蛭

音稅

蛭

皮

綏

音綏

綏

系

疴



亦作

注蚣蝢

上音蒿  
下音胥

爾雅翼卷二十七

欽定四庫全書薈要卷三千三百八

經部

爾雅翼卷二十八

宋羅願撰

釋魚一

龍 鯉 鱣 鮪 魴 鰕

鮒 鱒 鱧 鰻 鯪

龍

龍春分而登天秋分而潛淵物之至靈者也淮南子言萬物羽毛鱗介皆祖於龍羽嘉生飛龍飛龍生鳳皇而

後鸞鳥庶鳥凡羽者以次生焉毛犢生應龍應龍生建馬而後麒麟庶獸凡毛者以次生焉介鱗生蛟龍蛟龍生鯤鯁而後建邪庶魚凡鱗者以次生焉介潭生先龍先龍生玄龜而後靈龜庶龜凡介者以次生焉王符稱世俗畫龍之狀馬首蛇尾又有三停九似之說謂自首至膊膊至腰腰至尾皆相停也九似者角似鹿頭似駝眼似鬼項似蛇腹似蜃鱗似魚爪似鷹掌似虎耳似牛頭上有物如博山名尺木龍無尺木不能升天其為性



麤猛而畏鐵愛玉及空青而嗜燒燕肉故嘗食燕者不  
可渡海又言蛟龍畏楝葉五色絲故漢以來祭屈原者  
以五色絲合楝葉縛之古者有奏龍御龍氏徒以知其  
欲惡而節制之耳將雨則吟其聲如戛銅盤涎能發衆  
香其噓氣成雲反因雲以蔽其身故不可見今江湖間  
時有見其一爪與尾者唯頭不可得見自夏四月之後  
龍乃分方各有區域故兩畝之間而雨暘異焉又多暴  
雨說者云細潤者天雨猛暴者龍雨也龍火與人火相

反得濕而焰遇水而燔以火逐之則燔熄而焰滅養魚  
及三百六十則蛟龍將魚飛去龍以變化無方物不能  
制故在人比君在卦比乾之七爻象天蒼龍七宿乾七  
爻以龍為用天七宿以龍為體蓋自下數之其第一爻  
潛龍則未見也故蒼龍第一宿不取龍之象第二爻為  
見龍在田則或見其尾矣故龍之宿其二為尾第六爻  
為亢龍有悔故龍之宿其六為亢第七爻為見群龍无  
首吉故其七為角今易讀亢龍與角亢之字異音然其

義實相通蓋順則降升則逆龍之亢有逆鱗一尺而不可膺也則為能升而不及反故曰亢龍有悔然則乾之亢龍雖以角亢之亢讀之可也

鯉

鯉者魚之主形既可愛又能神變乃至飛越江湖孟春之月應陽而動上負冰獺於是時取而四面陳之謂之祭魚故淮南子時則訓孟春之月魚上負冰獺祭魚許慎皆曰鯉也今人但謂之赤鯉然案之古種類至多崔

豹云兗州人謂赤鯉為赤驥青鯉為青馬黑鯉為黑駒

白鯉為白騏黃鯉為黃騏皆取馬之名以其靈仙所乘  
能飛越江湖故也其種易繁陶朱公養魚以六畝地為  
池求懷子鯉魚長三尺者二十頭牡鯉魚長三尺者四  
頭以二月上庚納池中令水無聲魚必生所以養鯉者  
鯉不相食易長至來年二月得鯉魚長一尺者萬五千  
枚三尺者四萬五千枚二尺者萬枚按此二十魚一歲  
之間生七萬枚計每頭生三千五百枚不盈尺者蓋不

道此有以見其繁息也故魚麗美萬物盛多終之以鯉  
盛之極也必言尺者蓋古者之制淮南子曰魚不長尺  
不得取彘不暮年不得食也唐律取鯉魚即宜放號赤  
鯉公賣者杖六十以國氏李諱其同音也故用魚符蓋  
取象於鯉至武后革李氏則代之以龜古云鯉脊中鱗  
一道每鱗有小黑點文大小皆三十六鱗案是脇正中  
一道爾非脊也

鱣

鱣大如五斗奩長丈口在頷下長鼻軟骨常三月中從河上常於孟津捕之淮水亦有之肉黃唯以作鮓而骨可啖蓋鰭屬也鱣蓋鮓之類但鱣肉黃鮓肉白以此為別今江東呼鱣為黃魚大者曰王鱣孔子曰食水者善游而耐寒謂魚類也鱣鮓之類雖食於水而不正食水淮南子曰鵜胡飲水數斗而不足鱣鮓入口若露而死故鱣鮓不善游冬乃岫居入河而眩浮亦其類也許慎云鮓魚三月遡河而上能度龍門之浪則得為龍蓋鱣

亦其類酈元注水經曰漢水東經西城縣胡城為鱣湍  
洪波漭湍浪雲頽耆舊言有鱣魚奮鬣望濤直上至  
此暴鰓因以名湍焉

# 鮪

鮪以季春來形似鱣而青黑頭小而尖似鐵兜鍪其口  
亦在頷下其甲可以摩薑大者不過七八尺肉色白味  
不如鱣然周禮獻人春獻王鮪周頌季冬薦魚春獻鮪  
月令季春薦鮪于寢廟皆特獻之者以其及時可貴也

東京賦稱王鮪岫居山有穴曰岫其穴在河南小平山  
長老言王鮪之魚由南方來出此穴中入河水見日目  
眩浮水上流行七八十里釣人見之取以獻天子用祭  
或曰鮪魚出海三月從河上來今鞏縣東洛度北崖上  
山腹穴舊說此穴與江湖通鱸鮪從此穴而來入河或  
曰鮪魚三月遡河而上能度龍門之浪則得為龍東萊  
遼東人謂之尉魚或謂之仲明仲明者樂浪尉溺死海  
中化為此魚案尉蓋鮪聲之訛仲明之說又相沿而生



然萬物變化亦不可知也周洛曰鮪蜀曰鮪唐韻封  
山一名龍門山在封州大魚上化為龍上不得點額流  
血水為丹色也淮南子曰河魚不得明目稗稼不得育  
時其所生者然也說文鮪鮪也一曰水名鞏縣西北臨  
河有周武山武王伐紂使膠鬲禦之鮪水上蓋其處也  
相傳山下有穴通江穴有黃魚春則赴龍門故曰鮪岫  
今為河所侵不知穴之所在集韻云交州記交趾封谿  
縣有隄防龍門水深百尋大魚登此門化成龍不得過

曝鰓點額血流此水常如丹池後漢志注即唐韻封州  
魴

魴縮頭穹脊博腹色青白而味美今之鰕魚也漢水中  
者尤美常以槎斷水用禁人捕謂之槎頭鰕宋張敬兒  
為刺史獻齊高帝一千八百頭即此也說苑陽晝曰夫  
投綸錯餌迎而吸之者陽橋也其為魚也薄而不美若  
亡若存若食若不食者魴也其為魚也博而厚味今網  
罟者乃以魴為易取豈難於釣而易於網耶詩稱魴魚

賴尾說者以為魚勞則尾赤左傳曰如魚窺尾衡流而方羊裔焉鄭氏以為魚肥則尾赤二說雖不同然魚肥則不耐勞不耐勞則尾易赤以魴言之其體博大而肥不能運其尾加之以衡流則其勞甚矣宜其尾之賴也蓋詩之賴尾以喻宗周臣下之勞左氏之賴尾則有志大心勞之象故以衡流窺尾為言也

鰾

鰾鰾魚也大頭而細鱗魚之不美者故語曰買魚得

鰾不如噉茹蓋魚雖一類而所食不同今鯪惟食草鱒食螺蚌鰾乃食鯪矢則宜其味之不美爾今人亦不珍此族往往以為鮑魚詩稱孔樂韓土川澤訐訐魴鰾甫甫夫鰾不美魚也而何足特稱以為韓土之樂蓋言川澤之善者以其美惡之並畜魴美而鰾不美今皆甫甫然則其土之樂可知矣猶之稱周原之膴膴者必以藿荼如飴言之也鰾性群故從與又徐人謂之鯪從連敝苟之詩曰敝苟在梁其魚魴鰾又曰其魚魴鰾其魚唯

唯蓋筍之守魚猶禮之守國也說文曰池魚滿三千六  
百蛟來為之長能率魚飛置筍水中即蛟去夫蛟陰類  
難制之物欲率魚而去筍雖敝而能制之使其在水者  
有魴鰈焉有魴鰈焉有唯唯之衆焉不以蛟而徙也今  
魯威公微弱無守國之器使從丈姜者如雲如雨如水  
而不能少為之制則曾敝筍之不若也言魴鰈者亦美  
惡兼存之義言魴鰈者則又大小兼畜之義孔叢子曰  
吾視下釣垂一魴之餌鰈過而弗視也更以豚之半體

則吞之矣此魴鰈大小之辨也

郭璞曰鰈似鯉而黑

鮒

鮒似鯉色黑而體促肚大而脊隆今謂之鯽魚其味最美吳人以菰首為羹以鯽鯽為鱠謂之金羹玉鱠古者謂鮒為鯽其字從責今之鯽字乃烏鰽之鰽後世借用為鮒之別名爾魚小而耐寒大者止二三斤所在有之莊子稱車轍中有鮒得斗升之水而活易井卦九二曰井谷射鮒甕敝漏井以上出為用者也九二上無其應

反下比於初若谷中之水下注轍鮒又若甕之漏而水下流皆反養下而不與上交失井之道故其象曰无與也然子夏易傳云井中蝦蟇呼為鮒魚案莊子稱埳井之鼃則井者鼃所宜集然又言還虬蟹與科斗皆以為井中之物則亦應有小魚故羊舌鮒樂王鮒皆以魚為字今井谷中亦自往往有魚不特蝦蟇也說者又云有鱖魚與鮒狀同而味殊鱖是節化鮒是稷米化之其魚腹尚有米色寬大者是鮒背高腹狹小者是鱖未知其

審

山海經綸魚  
黑文狀如鮒

鱖

鱖魚目中赤色一道橫貫瞳魚之美者今俗人謂之赤  
眼鱖其音乃如蹲踞之蹲食螺蚌多祇獨行亦有兩三  
頭同行者極難取見網輒遁詩稱九罭之魚鱖鮐鱖既  
如此鮐則說苑所謂若存若亡若食若不食者也周公  
昔有聖德遭時之未信退避於東有難進易退之操故  
以鱖鮐言之



鯉

鯉魚圓長而班點有七點作北斗之象夜則仰首向北

而拱焉有自然之禮故從禮膽獨甘也故从醴魚麗于

留有鱗鯢鯢鯢鯢者古人所重今道家忌之以其

首戴斗也又指為厭故有天厭鴈地厭犬水厭鯉之說

皆禁不食又是公礪蛇所變然亦有相生者至難死猶

有蛇性故今人亦畏焉郭氏解釋魚稱為鯢然今鯢又

別一種鯉比他魚為最鯢

說文鯢鯢也  
鯢也

鰮

鰮白鰮也其形纖長而白故曰白鰮又謂白魴江東呼為鰮釋魚鰮黑魴是也此魚好游水上故莊子觀於濠梁稱魴魚出游從容以為魚樂明遂其性也淮南子曰不得其道若觀魴魚望之可見即之不可得此魚好游也而詩潛有多魚有鱣有鰮鰮鰮鰮潛者糝也積柴水中令魚依之止息因而取之爾雅曰魚之所息謂之楷蓋潛之詩謂季冬及春寒氣方盛故魚止糝中因而

薦之非其出游之時今人謂鰈為參魚參音近於樛或  
以其伏樛中得名耶去其腸作藷謂參魚藷又謂其魚  
為肉條魚

山海經鰈魚  
食之已憂

鯊

鯊魚狹而小嘗張口吹沙故曰吹沙非特吹沙亦正食  
細沙郭氏所謂吹沙小魚者是也其味甚美大者不過  
二斤然不若小者之佳毛氏解魚麗于留鰾鯊之義曰  
太平然後微物衆多則鯊是物之微者孔氏正義乃曰

此寡婦筍而得鱮鯊之大魚是衆多也蓋鯊雖小魚在  
筍中為大耳今人呼為重脣脣厚特甚有若鼃鼃故以  
為名今江南小谿中每春鯊至甚多土人珍之夏則隨  
水下自是以後時亦有之然亦罕矣來春復來大抵正  
月輒至魚之最先至者次則鯉至次則鰕至桃花水至  
而鰕肥則三月矣此魚生流水之中非畜於人又其至  
而多以明萬物自然繁育亦其先至故鱮鯊鯢鯢鯢  
或其序爾

杜父魚色黑斑  
如吹沙而短

音釋

龍

鯁

古杏切

膊

浦各切

亢

音抗角亢之亢音岡禮記仲夏昏亢中注東方星九

度方氏曰亢喉也以摠攝聽訟有出納之象或作吭

○鯉

鯉

鯉

胡本切

○鱣

鱣

知連切

輓

乳充切

鰭

子林反

鮪

為鬼反

鮪

普朋反

暴

步卜反

○鮪

鮪

鮪

鮪

鮪

鮪

鮪

鮪

鮪

鮪

敵

人

語居切

鮪

公登公

鮪

武登武

鮪

音封

鮪

音洛

大

鮪

鮪

鮪

鮪

鮪

鮪

鮪

鮪

鮪

相來切

魚

鮪

鮪

鮪

鮪

鮪

鮪

鮪

鮪

鮪

鮪

鮪

鮪

鮪

鮪

鮪

鮪

鮪

鮪

裔

以制反

裔

裔

裔

裔

裔

裔

裔

裔

裔

裔

裔

裔

裔

裔

裔

裔

裔

裔

裔

二鯁

里然

鯁

華板

鯁

鯁

鯁

鯁

鯁

鯁

鯁

鯁

鯁

鯁

鯁

鯁

鯁

鯁

鯁

鯁





爾雅翼卷二十八



欽定四庫全書薈要卷三千三百九

經部

爾雅翼卷二十九

宋羅願撰

釋魚二

鰕

鯢

鰻

魴

鰈

鰻

鰕

鰻

比目

王餘

烏鰂

鰕

鰕魚巨口而細鱗鬚鬣皆圓黃質黑章皮厚而肉緊特異常魚夏月盛熱時好藏石罅中人即而取之又其斑

丈尤鮮明者雄也稍晦昧者雌也漁者以索貫一雄置之谿畔群雌來齧曳之不捨掣而取之常得十數尾說者以為昔僊人劉憑常食石桂魚今此魚猶有桂名恐即是也能食小魚今人以為凡牛羊之屬有肚故能嚼魚無肚不嚼

譙讓之譙

鰕獨有肚能嚼山海經曰鰕魚大口

而細鱗有斑彩

考淮南曰魚無耳而聽

鰕

今之河豚狀如科斗腹下白背上青黑有黃文眼能開

爾雅翼卷二十八